



ЎЗБЕКИСТОН RESPUBLIKASI PREZIDENTINING FARMONI

2020 йил « 5 » октябрь

№ ПФ–6079

“Рақамли Ўзбекистон – 2030” стратегиясини тасдиқлаш ва уни самарали амалга ошириш чора-тадбирлари тўғрисида

Мамлакатимизда рақамли иқтисодиётни фаол ривожлантириш, барча тармоқлар ва соҳаларда, энг аввало, давлат бошқаруви, таълим, соғлиқни сақлаш ва қишлоқ хўжалигида замонавий ахборот-коммуникация технологияларини кенг жорий этиш бўйича комплекс чора-тадбирлар амалга оширилмоқда.

Хусусан, электрон ҳукумат тизимини такомиллаштириш, дастурий маҳсулотлар ва ахборот технологияларининг маҳаллий бозорини янада ривожлантириш, республиканинг барча ҳудудларида IT-паркларни ташкил этиш, шунингдек, соҳани малакали кадрлар билан таъминлашни кўзда тутувчи **220 дан ортиқ** устувор лойиҳаларни амалга ошириш бошланган.

Бундан ташқари, **40 дан ортиқ** ахборот тизимлари билан интеграциялашган геопортални ишга тушириш, жамоат транспорти ва коммунал инфратузилмани бошқаришнинг ахборот тизимини яратиш, ижтимоий соҳани рақамлаштириш ва кейинчалик ушбу тажрибани бошқа ҳудудларда жорий қилишни назарда тутувчи “Рақамли Тошкент” комплекс дастури амалга оширилмоқда.

Республикада рақамли индустрияни жадал ривожлантириш, миллий иқтисодиёт тармоқларининг рақобатбардошлигини ошириш, шунингдек, 2017–2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини “Илм, маърифат ва рақамли иқтисодиётни ривожлантириш йили”да амалга оширишга оид давлат дастурида белгиланган вазифалар ижросини таъминлаш мақсадида:

1. Ахборот технологиялари ва коммуникацияларини ривожлантириш вазирлиги томонидан манфаатдор вазирлик ва идоралар, бизнес ҳамжамияти ва илмий доиралар вакиллари ҳамда хорижий экспертлар иштирокида ишлаб чиқилган **“Рақамли Ўзбекистон – 2030”** стратегияси 1-иловага мувофиқ маъқуллансин.

Қуйидагилар:

2020–2022 йилларда ҳудудларни рақамли трансформация қилиш дастурлари 2–14-иловаларга мувофиқ;

2020–2022 йилларда тармоқларни рақамли трансформация қилиш дастурлари 15–21-иловаларга мувофиқ тасдиқлансин.

Бунда, 2020–2022 йилларда ҳудуд ва тармоқларни рақамли трансформация қилиш доирасида:

аҳоли пунктларини Интернет тармоғига улаш даражаси, шу жумладан кенг полосали уланиш портларини **2,5** миллионгача кўпайтириш, **20** минг километр оптик-толали алоқа линияларини қуриш ва мобил алоқа тармоқларини ривожлантириш орқали **78** фоиздан **95** фоизга етказилади;

ҳудудларни ижтимоий-иқтисодий ривожлантиришнинг турли соҳаларида **400** дан ортиқ ахборот тизимлари, электрон хизматлар ва бошқа дастурий маҳсулотлар жорий этилади;

587 минг нафар кишини, шу жумладан **“Бир миллион дастурчи”** лойиҳаси доирасида **500** минг нафар ёшларни қамраб олиш орқали компьютер дастурлаш асосларига ўқитиш ташкиллаштирилади;

иқтисодиётнинг реал сектори тармоқларидаги корхоналарда бошқарув, ишлаб чиқариш ва логистика жараёнларини автоматлаштириш бўйича **280** дан ортиқ ахборот тизимлари ва дастурий маҳсулотлар жорий этилади;

ҳудудларда ҳокимлар, давлат органлари ва ташкилотлар ходимларининг рақамли саводхонлигини ва малакасини ошириш, уларни ахборот технологиялари ва ахборот хавфсизлиги бўйича ўқитиш учун тегишли олий таълим муассасалари бириктирилади ҳамда уларнинг **12** минг нафар ходими ахборот технологиялари соҳасида ўқитилади.

2. Ахборот технологиялари ва коммуникацияларини ривожлантириш вазирлиги, Қорақалпоғистон Республикаси Вазирлар Кенгаши ва вилоят ҳокимликларининг **29** та намунавий туманларда (шаҳарларда) 2020 йилда ва 2021 йил I чораги якунига қадар рақамли трансформация қилиш лойиҳаларини кўзда тутувчи **“йўл харита”**ларини 2а-14а, 2б-14б ҳамда 2в, 8в ва 12в-иловаларга мувофиқ амалга ошириш тўғрисидаги таклифи маъқуллансин.

3. “Рақамли Ўзбекистон – 2030” стратегиясини амалга ошириш бўйича мувофиқлаштириш комиссияси (кейинги ўринларда – Мувофиқлаштириш комиссияси) 22-иловага мувофиқ таркибда ташкил этилсин ва қуйидагилар унинг асосий вазифалари этиб белгилансин:

давлат органлари ва ташкилотлари, маҳаллий ижро этувчи ҳокимият органлари томонидан Стратегия, ҳудудлар ва тармоқларни рақамли трансформация қилиш дастурлари, “йўл харита”ларида кўзда тутилган лойиҳа ва чора-тадбирларнинг тўлиқ ҳажмда амалга оширилишини таъминлаш, шунингдек, уларнинг ўз вақтида бажарилишини тизимли назорат қилиш;

ҳар ойда давлат органлари ва ташкилотлари раҳбарларининг рақамли иқтисодиёт ва электрон ҳукуматни ривожлантириш бўйича режалаштирилган лойиҳалар ва чора-тадбирларни амалга ошириш юзасидан ҳисоботларини тинглаш ҳамда уларнинг жавобгарлиги масаласини кўриб чиқиш;

доимий мониторинг асосида электрон давлат хизматларини кўрсатишни янада такомиллаштириш, давлат органлари ва ташкилотлари фаолиятидаги функционал жараёнлар ва тартиб-таомилларни оптималлаштириш бўйича чоралар кўриш;

рақамли иқтисодиёт соҳасидаги янги лойиҳаларни кўриб чиқиш ва уларни амалга ошириш тўғрисида қарорларни қабул қилиш, шунингдек, зарур ҳолларда ҳудуд ва тармоқларни рақамли трансформация қилиш дастурлари ҳамда “йўл харита”ларига тайёрланган ва келишилган лойиҳа ҳужжатлари асосида ўзгартириш ва қўшимчалар киритиш.

4. Мувофиқлаштириш комиссияси (А. Арипов) Қорақалпоғистон Республикаси Вазирлар Кенгаши раиси ва вилоятлар ҳокимлари билан биргаликда бир ҳафта муддатда 29 та намунавий туманларда (шаҳарларда) рақамли трансформация қилиш “йўл харита”ларини амалга ошириш бўйича қуйидагиларни назарда тутган ҳолда ҳудудий ишчи гуруҳларни шакллантирсин:

Ахборот технологиялари ва коммуникацияларини ривожлантириш вазирлиги, унинг тасарруфидаги ташкилотлар ва ҳудудий бошқармаларининг масъул раҳбарларини тегишли туманларга (шаҳарларга) бириктириш;

ҳар ўн кунликда ишчи гуруҳлар томонидан қабул қилинган рақамли трансформация қилиш “йўл харита”ларида назарда тутилган лойиҳаларни амалга ошириш самарадорлиги ва жойларда ўтказилаётган тадбирларнинг амалий аҳамиятини баҳолаш;

ихтисослаштирилган олий ўқув юрлари ва рақамли технологияларни ўқитиш марказлари негизида давлат органлари ва ташкилотлари, маҳаллий ижро этувчи ҳокимият органларининг масъул раҳбарларини ўқитиш ва малакасини оширишни ташкил этиш.

5. Ахборот технологиялари ва коммуникацияларини ривожлантириш вазирлиги Мактабгача таълим вазирлиги, Халқ таълими вазирлиги ва Соғлиқни сақлаш вазирлиги билан биргаликда 2020 йил якунига қадар **13 та** намунавий туманларда (2а-14а-иловалар) IT-инфратузилмасини яратишни, компьютер ускуналари билан жиҳозлашни назарда тутган ҳолда мактабгача ва умумтаълим мактаблари ҳамда соғлиқни сақлаш муассасаларини рақамлаштиришни яқунлаш бўйича чоралар кўриш, шунингдек, ахборот тизимларини жорий этиш ва масъул ходимларни ўқитишни ташкил этсин.

Белгилансинки, ушбу муассасаларни рақамлаштириш Ахборот технологиялари ва коммуникацияларини ривожлантириш вазирлиги ва тасарруфидаги ташкилотларнинг ўз маблағлари ҳисобидан, етишмаётган қисмида эса – маҳаллий бюджетнинг қўшимча манбалари ҳисобидан амалга оширилади.

6. Белгилаб қўйилсинки, Ўзбекистон Республикасининг хорижий мамлакатлардаги дипломатик ваколатхоналари 23-иловага мувофиқ бириктирилган ҳудудлар ва тармоқларга илғор технологиялар ва IT-ечимларни трансфер қилишда, рақамли иқтисодиёт соҳасидаги лойиҳаларни биргаликда амалга ошириш учун етакчи компанияларни жалб қилишда ҳар томонлама амалий ёрдам кўрсатадилар.

7. Инвестициялар ва ташқи савдо вазирлиги Ахборот технологиялари ва коммуникацияларини ривожлантириш вазирлиги билан биргаликда **2020 йил 1 ноябрдан бошлаб** инвестиция лойиҳалари ҳамда жалб этилаётган халқаро молия институтлари, хорижий ҳукумат молия ташкилотлари ва донор мамлакатлар маблағлари умумий миқдорининг **5 фоиздан** кам бўлмаган қисми “рақамли” компонентларга йўналтирилишини кўзда тутсин.

8. Қуйидагиларни назарда тутувчи **2020–2022 йилларда “Рақамли Ўзбекистон – 2030” стратегиясини амалга ошириш бўйича “Йўл харита”си** 24-иловага мувофиқ тасдиқлансин:

а) электрон ҳукуматни ривожлантириш бўйича:

2021 йил 1 январдан бошлаб тажриба тариқасида “Рақамли Тошкент” комплекс дастури доирасида жисмоний шахсга идентификация ID-картасини беришда давлат органлари ва ташкилотлари билан ўзаро электрон муносабатларни йўлга қўйиш учун унинг шахсий кабинети шакллантирилади;

2021 йил 1 июлдан бошлаб Ўзбекистон Республикаси Очиқ маълумотлар порталида давлат органлари ва ташкилотлари томонидан давлат харидларини амалга ошириш, патентлар, дори воситалари ва тиббий буюмларни рўйхатга олиш, жамоат транспорти ҳаракати, ер ресурсларидан фойдаланиш ва бошқа умумфойдаланишдаги статистик маълумотлар онлайн режимда жойлаштириб борилиши таъминланади;

2021 йил 1 августдан бошлаб жисмоний ва юридик шахсларга барча белгиланган давлат божлари, йиғимлар, жарималар ва бошқа мажбурий тўловларни электрон тўлов тизимларидан фойдаланган ҳолда онлайн режимда тўлаш имконияти тақдим этилади;

б) рақамли индустрияни ривожлантириш бўйича:

2020 йил 1 ноябрдан бошлаб Дастурий маҳсулотлар ва ахборот технологиялари технологик парки резиденти мақомини ахборот технологияларига ўқитиш, аппарат-дастурий воситаларни ишлаб чиқиш ва реализация қилиш, робототехника, Интернет тармоғи орқали ахборот хизматларини экспорт қилиш, шунингдек, маълумотларни сақлаш ва ҳисоблаб қайта ишлаш соҳасида хизмат кўрсатадиган Ўзбекистон Республикаси резиденти ҳисобланган юридик шахслар олиши мумкин бўлади;

2022 йил 1 январга қадар масофадан кредит маҳсулотларини реализация қилиш, омонатлар ва ҳисоб рақамларни очишни ўз ичига олган кенг турдаги онлайн хизматлар кўрсатишни таъминлаш орқали тижорат банкларининг рақамли трансформацияси якунига етказилади;

в) рақамли таълимни ривожлантириш бўйича:

2021 йил 1 январдан бошлаб фуқаролар томонидан тизим бошқаруви, маълумотлар базаси ва “булутли” платформани бошқариш, ахборот хавфсизлигини таъминлаш ва бошқа талаб юқори бўлган йўналишларда халқаро IT-сертификатларни олиш харажатларининг **50 фоизгача** бўлган қисмини қоплаш тизими жорий этилади;

2021 йил 1 сентябрга қадар ҳар бир туман ва шаҳарда мавжуд инфратузилма объектлари негизида кенг аҳоли қатламлари, айниқса ёшлар ва аёллар учун рақамли технологиялар ўқув марказлари очилади;

2023 йил якунига қадар барча туман ва шаҳарларда ўқувчиларнинг ижодий ривожланиши ва компьютер дастурлаш асосларини ўрганиши учун мавжуд таълим муассасалари негизида **200 дан ортиқ** информатика ва ахборот технологияларини чуқурлаштириб ўқитишга ихтисослаштирилган мактаблар босқичма-босқич ташкил этилади;

г) рақамли инфратузилмани ривожлантириш бўйича:

2022 йил якунига қадар ҳар бир аҳоли пункти **10 Мбит/с**дан кам бўлмаган маълумотларни узатиш тезлигидаги Интернет тармоғига уланиш имконияти билан таъминланади;

2022 йил 1 январга қадар барча машҳур сайёҳлик жойлари юқори тезликдаги Интернет билан таъминланади.

9. Белгилаб қўйилсинки, 2023 йилдан бошлаб, Стратегия эришилган натижалар ва мақсадли кўрсаткичлар ҳамда тегишли давр учун рақамли технологияларни янада ривожлантиришнинг асосий йўналишларидан келиб чиқиб, **Вазирлар Маҳкамаси томонидан алоҳида тасдиқланадиган икки йилга мўлжалланган дастурлар** асосида амалга оширилади.

10. Ахборот технологиялари ва коммуникацияларини ривожлантириш вазирлиги ҳамда Инновацион ривожланиш вазирлигининг **2021 йил 1 январдан** бошлаб қуйидагиларни назарда тутувчи барча учун очиқ бўлган **маҳаллий дастурий маҳсулотлар ва IT-хизматлар электрон платформасини** яратиш тўғрисидаги таклифлари маъқуллансин:

маҳаллий IT-компаниялар ва дастурий маҳсулотлар ишлаб чиқарувчилар ҳамда уларнинг маҳсулотлари ва хизматларининг ягона маълумотлар базасини шакллантириш, шунингдек, уларга ўз маҳсулотларини ички ва ташқи бозорларда илгари суришда кўмаклашиш;

давлат органлари ва ташкилотларида ахборот тизимлари ва бошқа дастурий маҳсулотларни жорий этиш бўйича режалаштирилаётган лойиҳалар тўғрисида маълумотларни эълон қилиш;

мамлакатда рақамли иқтисодиётни ривожлантиришнинг амалий масалаларини ҳал қилиш ҳамда ахборот технологиялари соҳасидаги қонун ҳужжатларини такомиллаштириш жараёнида самарали ва очиқ мулоқотни йўлга қўйиш.

11. **2020 йил 1 ноябрдан** бошлаб ёпиқ биноларда алоқани ташкил этиш мақсадида мобил алоқа операторлари учун ажратилган радиочастота доирасида 500 мВт дан ошмайдиган қувватда ишлайдиган база станцияларидан фойдаланишга рухсатномани расмийлаштириш бўйича талаблар (таснифланган объектлар яқинида ўрнатиладиган мобил алоқа база станциялари бундан мустасно) **бекор қилинсин**.

12. **2020 йил 1 ноябрдан бошлаб** мобил алоқа операторлари учун:

телекоммуникация қурилмалари ва иншоотларининг қурилиш-монтаж, реконструкция, синовдан ўтказиш ва интеграция қилиш ишларини якунлаш ҳамда тижорат мақсадида фойдаланишни йўлга қўйиш, шунингдек, телекоммуникация қурилмалари ва иншоотларининг конструкциясини ўзгартириш, мавжуд қурилмалардаги ҳамда телекоммуникация линиялари ва иншоотларидаги ускуналарни кенгайтириш бўйича хабардор қилиш тартиби жорий этилсин;

радиоэлектрон қурилмалар, асбоб-ускуналар ва бошқа қурилмаларни Ўзбекистон Республикасига олиб кириш рухсатномасини, сотиб олиш, ўрнатиш, лойиҳалаш ва қуриш учун рухсатнома олмасдан, белгиланган тартибда расмийлаштириш ҳуқуқи берилсин.

13. Ахборот технологиялари ва коммуникацияларини ривожлантириш вазирлиги ҳамда Адлия вазирлигининг мазкур вазирликлар ва уларнинг тасарруфидаги ташкилот ва бўлинмалар негизида қўйидагиларни назарда тутувчи **“Рақамли идора”** лойиҳасини амалга ошириш бўйича таклифига розилик берилсин:

а) 2022 йил 1 январга қадар:

қоғозсиз электрон ҳужжат алмашинуви ва иш юритишни ташкил қилган ҳолда барча маъмурий тартиб-таомилларни ва операцион жараёнларни рақамлаштириш;

фаолиятнинг очиқлиги ва шаффофлиги ҳамда аҳоли пунктларида давлат хизматларидан фойдаланишнинг кафолатланганлигини таъминлаш;

идоралараро электрон ҳамкорлик жараёнларини автоматлаштириш;

б) **“Рақамли идора”** лойиҳасини амалга оширишнинг амалий тажрибасини бошқа давлат органлари ва ташкилотларида уларнинг фаолияти хусусиятларидан келиб чиққан ҳолда жорий этиш.

14. Электрон ҳукумат имкониятларини янада кенгайтириш, аҳоли ва тадбиркорлик субъектлари учун қўшимча қулайликларни яратиш ҳамда рақамли технологиялардан кенг фойдаланишни таъминлаш мақсадида:

Электрон давлат хизматларини кўрсатишни янада такомиллаштириш бўйича чора-тадбирлар дастури 25-иловага мувофиқ;

Давлат божи, йиғим, жарима ва бошқа тўловларни тўлаш механизмларини такомиллаштириш бўйича амалий чора-тадбирлар режаси 26-иловага мувофиқ тасдиқлансин.

Ахборот технологиялари ва коммуникацияларини ривожлантириш вазирлиги масъул вазирлик ва идоралар ҳамда маҳаллий ижро этувчи ҳокимият органлари билан биргаликда мазкур Фармонга 25 ва 26-иловаларда назарда тутилган тадбирларнинг сифатли ва ўз вақтида бажарилишини таъминласин.

15. 2020 йил 1 ноябрдан бошлаб барча вазирлик ва идоралар, маҳаллий ижро этувчи ҳокимият органларида амалдаги раҳбар ўринбосарларидан бирига **рақамлаштириш бўйича ўринбосар (Chief Digital Officer)** ваколатлари юклатилсин ва қўйидагилар уларнинг устувор вазибалари этиб белгилансин:

ахборот тизимлари ва ресурсларини кенг жорий этишни назарда тутувчи **идоравий рақамли трансформация дастурларини** ишлаб чиқиш ва ўз вақтида амалга ошириш;

электрон давлат хизматларини мобил қурилмалар ва электрон ҳамкорликнинг бошқа шакллари орқали кўрсатишни янада кенгайтириш учун зарур шарт-шароитлар яратиш;

идоралар фаолиятининг очиқлиги ва шаффофлигини таъминлаш, Интернет тармоғида очиқ маълумотларни ва бошқа ахборотларни жойлаштириб бориш бўйича чоралар кўриш;

идоравий рақамли инфратузилманинг ахборот хавфсизлигини, шунингдек, электрон маълумотлар ва ҳужжатларнинг ҳимоясини таъминлаш.

Рақамлаштириш бўйича ўринбосарларнинг тегишли йўналишдаги фаолиятини мувофиқлаштириш Ахборот технологиялари ва коммуникацияларини ривожлантириш вазирлигига юклатилсин.

16. Шундай тартиб ўрнатилсинки, унга мувофиқ “Рақамли Ўзбекистон – 2030” стратегиясида кўзда тутилган лойиҳаларни ўз вақтида ва кенг кўламда амалга оширилишини таъминлаганлиги, шунингдек, ахборот технологиялари ва электрон хизматларни жорий этишни рейтинг баҳолаш натижаларига кўра вазирлик ва идоралар, маҳаллий ижро этувчи ҳокимият органларининг раҳбарлари ва уларнинг рақамлаштириш бўйича ўринбосарларига ҳар ойда уларнинг ойлик маошига **30 фоиз** миқдорида устама тўланади.

Раҳбарлар ва уларнинг рақамлаштириш бўйича ўринбосарларига ойлик устама тайинлаш тўғрисида қарор Ахборот технологиялари ва коммуникацияларини ривожлантириш вазирлигининг хулосаси асосида қабул қилинади.

17. Инновацион ривожланиш вазирлиги Ахборот технологиялари ва коммуникацияларини ривожлантириш вазирлиги билан биргаликда ҳар йили **1 декабрга қадар** рақамли иқтисодиётни ривожлантириш йўналишларида **илмий-тадқиқот ва инновацион лойиҳаларнинг мақсадли дастурларини** Фан ва технологиялар бўйича республика кенгашига тасдиқлаш учун киритиб борсин ҳамда ушбу соҳада алоҳида эътиборни қўйидагиларга қаратсин:

ахборот технологиялари соҳасидаги устувор йўналишлар бўйича фундаментал ва амалий тадқиқотларни олиб бориш;

иқтисодиёт тармоқларида виртуал ва тўлдирилган реаллик, сунъий интеллект, криптография, машина ўрганиши, катта маълумотларни таҳлил қилиш ва “булутли” ҳисоблаш технологияларидан фойдаланиш имкониятларини ўрганиш ва уларни амалиётга татбиқ этиш;

истиқболли инновацион ишланмалар ва стартап-лойиҳаларини амалга ошириш ҳамда уларни тижоратлаштириш ва технологиялар трансферини қўллаб-қувватлаш.

Белгилаб қўйилсинки, мақсадли дастурларни молиялаштириш харажатлари илмий фаолиятга оид давлат дастурларини амалга ошириш учун ажратилган маблағлар доирасида, шунингдек, Инновацион ривожланиш ва новаторлик ғояларини қўллаб-қувватлаш жамғармаси ҳамда Ахборот-коммуникация технологияларини ривожлантириш жамғармаси маблағлари ҳисобидан қопланади.

18. Мазкур Фармонда белгиланган чора-тадбирларнинг сифатли ва ўз вақтида бажарилишини мувофиқлаштириш ва мониторинг қилишнинг қуйидаги тартиби ўрнатилсин:

а) вазирлик ва идоралар, маҳаллий ижро этувчи ҳокимият органларининг рақамлаштириш бўйича раҳбар ўринбосарлари – ҳар ойда ҳисобот ойдан кейинги ойнинг 5-санасига қадар Ахборот технологиялари ва коммуникацияларини ривожлантириш вазирлигига ушбу Фармон билан тасдиқланган Стратегия, дастурлар ва “йўл харита”лари ҳамда идоравий рақамли трансформация дастурларида назарда тутилган чора-тадбирларни амалга ошириш тўғрисида ҳисобот тақдим этадилар;

б) ахборот технологиялари ва коммуникацияларини ривожлантириш вазири Ш. Садиқов:

масъул вазирлик ва идоралар фаолиятини идоралараро мувофиқлаштиради, уларнинг фаолиятида рақамли технологияларни жорий этиш ҳолатини баҳолайди ҳамда мунтазам равишда рақамлаштириш бўйича раҳбар ўринбосарларининг ҳисоботларини эшитишни ташкил этади;

ҳар ойда ҳисобот ойдан кейинги ойнинг 15-санасига қадар ушбу Фармон билан тасдиқланган Стратегия, дастурлар ва “йўл харита”лари ҳамда идоравий рақамли трансформация дастурлари ижроси тўғрисида умумлашган таҳлилий маълумотларни Вазирлар Маҳкамасига киритади;

в) Ўзбекистон Республикаси Бош вазирининг маслаҳатчиси – IT-технологиялар, телекоммуникациялар ва инновацион фаолиятни ривожлантириш масалалари департаменти бошлиғи О. Умаров:

Стратегиянинг мақсадли кўрсаткичларига эришиш устидан тизимли назоратни ташкил этади, шунингдек, **Мувофиқлаштирувчи комиссия йиғилишларида** масъул вазирлик ва идоралар раҳбарларининг рақамлаштириш соҳасидаги фаолиятини танқидий кўриб чиқиш бўйича таклифлар киритади;

ҳар чоракда Ўзбекистон Республикаси Бош вазирига рақамлаштириш бўйича раҳбар ўринбосарларининг фаолияти натижадорлигидан келиб чиқиб, уларни рағбатлантириш ёки интизомий, шу жумладан эгаллаб турган лавозимидан озод қилишгача бўлган чораларни кўриш бўйича таклифларни киритади.

19. Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлиги, Ўзбекистон Миллий ахборот агентлиги ва Ўзбекистон Миллий телерадиокомпанияси ушбу Фармоннинг мақсад ва вазифаларини оммавий ахборот воситаларида кенг ёритиш бўйича ишларни ташкил этсин.

20. Ахборот технологиялари ва коммуникацияларини ривожлантириш вазирлиги манфаатдор вазирлик ва идоралар билан биргаликда **икки ой муддатда** қонун ҳужжатларига ушбу Фармондан келиб чиқадиган ўзгартириш ва қўшимчалар тўғрисида Вазирлар Маҳкамасига таклифлар киритсин.

21. Мазкур Фармоннинг ижросини назорат қилиш Ўзбекистон Республикасининг Бош вазири А.Н. Арипов ва Ўзбекистон Республикаси Президентининг маслаҳатчиси Р.А. Гулямов зиммасига юклансин.

**Ўзбекистон Республикаси
Президенти**



Ш. Мирзиёев

Тошкент шаҳри

Ўзбекистон Республикаси Президентининг
2020 йил 5 октябрдаги ПФ–6079-сон Фармони
19-илова

**“Рақамли Ўзбекистон – 2030” стратегияси доирасида 2020–2022 йилларда
транспорт, қурилиш, уй-жой коммунал хўжалиги ва бошқа соҳаларни рақамли трансформация қилиш
ДАСТУРИ**

Т/р	Чора-тадбирлар	Амалга ошириш босқичлари	Муддати	Молиялаштириш манбалари	Ижрочилар
I. Давлат бошқаруви органларида ахборот тизимлари ва дастурий маҳсулотларни жорий этиш					
1.	Авиа, темир йўл ва шаҳарлараро, вилоятлараро автобусларга электрон чипталарни сотишни назарда тутувчи ягона электрон портални такомиллаштириш.	1. Тасдиқланган техник топшириқни такомиллаштириш. 2. Тизимни тўғридан-тўғри авиа ва темир йўл чипталарини брон қилиш ва харид қилиш платформасига улаш. 3. Тизимни фойдаланишга топшириш.	2021 йил март 2021 йил октябрь 2021 йил декабрь	Давлат бюджетидан ажратилган маблағлар доирасида ва бюджетдан ташқари маблағлар	Транспорт вазирлиги <i>(И. Махкамов),</i> “Uzbekistan Airways” АЖ <i>(Б. Хақимов),</i> “Ўзбекистон темир йўллари” АЖ <i>(Х. Хасилов)</i>
2.	Транспорт соҳасига оид таҳлилий ва статистик маълумотларни акс эттирувчи электрон портал жорий қилиш.	1. Лойиҳа-техник ҳужжатларни ишлаб чиқиш ва ўрнатилган тартибда тасдиқлаш. 2. Лойиҳа ижрочиларини аниқлаш бўйича тендер (танлов) савдоларини ўтказиш. 3. Лойиҳани амалиётга жорий этиш.	2020 йил декабрь 2021 йил февраль 2021 йил май	Бюджетдан ташқари маблағлар	Транспорт вазирлиги <i>(И. Махкамов)</i>
3.	“Шаффоф қурилиш” миллий ахборот тизимини республика ҳудудларида босқичма-босқич ишга тушириш.	1. “Шаффоф қурилиш” миллий ахборот тизимини республика ҳудудларида босқичма-босқич ишга тушириш бўйича режа-жадвал ишлаб чиқиш. 2. Электрон ҳукумат тизими билан интеграция қилиш.	2021 йил январь 2021 йил май	Давлат бюджетидан ажратилган маблағлар доирасида ва бюджетдан ташқари маблағлар	Қурилиш вазирлиги <i>(Ш. Хидоятлов),</i> Ахборот технологиялари вазирлиги <i>(О. Пекосъ)</i>

4.	<p>“Ўзбекистон Республикаси давлат шаҳарсозлик кадастри” географик ахборот тизимини жорий этиш.</p>	<p>1. Геоахборот тизимини бутун республика кесимида босқичма-босқич ишга тушириш бўйича режа-жадвал ишлаб чиқиш. 2. Электрон ҳукумат тизими билан интеграция қилиш.</p>	<p>2021 йил январь 2021 йил май</p>	<p>Давлат бюджетидан ажратилган маблағлар доирасида ва бюджетдан ташқари маблағлар</p>	<p>Қурилиш вазирлиги (Ш. Хидоят), Ахборот технологиялари вазирлиги (О. Пекось)</p>
5.	<p>Қурилиш соҳасидаги (қурилишга рухсат бериш, лойиҳа ҳужжатларини экспертизадан ўтказиш) электрон давлат хизматларини жорий этиш.</p>	<p>1. Электрон давлат хизматларини татбиқ этиш бўйича лойиҳа-техник ҳужжатларни ишлаб чиқиш ва тасдиқлаш. 2. Электрон давлат хизматларини жорий этиш.</p>	<p>2020 йил октябрь 2020 йил декабрь</p>	<p>Давлат бюджетидан ажратилган маблағлар доирасида ва бюджетдан ташқари маблағлар</p>	<p>Қурилиш вазирлиги (Ш. Хидоят), Ахборот технологиялари вазирлиги (О. Пекось)</p>
6.	<p>Республиканинг сейсмик фаол ҳудудида жойлашган мавжуд бино ва иншоотлар, шунингдек, кўп қаватли турар жойларнинг сейсмик заифлигини баҳолаш учун зарур бўлган маълумотларни назарда тутувчи “Электрон техник паспорт” ахборот тизимини жорий этиш.</p>	<p>1. Лойиҳа-техник ҳужжатларни ва биноларни электрон техник паспортлаштириш услубиётини ишлаб чиқиш. 2. Лойиҳа ижрочиларини аниқлаш бўйича тендер (танлов) савдоларини ўтказиш. 3. Дастурий таъминотни ишга тушириш ва амалиётга жорий этиш.</p>	<p>2020 йил декабрь 2021 йил январь 2021 йил март</p>	<p>Сейсмология, иншоотларнинг сейсмик мустақамлигини ва сейсмик хавфсизликни таъминлаш соҳасини қўллаб-қувватлаш жамғармаси</p>	<p>Фанлар академияси, (Б. Юлдашев) Қурилиш вазирлиги (Ш. Хидоят)</p>
7.	<p>Сув таъминоти ҳамда канализация объектларининг геоахборот тизимини жорий этиш.</p>	<p>1. Ахборот тизимини Қорақалпоғистон Республикаси ва вилоятларда жорий этиш бўйича режа-жадвални ишлаб чиқиш ва тасдиқлаш. 2. Геоахборот тизимини тасдиқланган режа-жадвалга асосан босқичма-босқич жорий этиш. 3. Тизимни доимий узлуксиз ишлашини таъминлаш.</p>	<p>2021 йил октябрь 2022 йил декабрь доимий равишда</p>	<p>Давлат бюджетидан ажратилган маблағлар доирасида ва бюджетдан ташқари маблағлар</p>	<p>Уй-жой коммунал хизмат кўрсатиш вазирлиги (М. Салиев)</p>
8.	<p>Ичимлик сувини ишлаб чиқариш ва тақсимлаш бўйича иншоотларда</p>	<p>1. Ичимлик сувини ишлаб чиқариш ва тақсимлаш бўйича иншоотларда</p>	<p>2020 йил октябрь</p>	<p>Давлат бюджетидан ажратилган маблағлар</p>	<p>Уй-жой коммунал хизмат кўрсатиш вазирлиги</p>

	сув ҳисобини электрон тарзда юритувчи ахборот тизимини жорий этиш.	сув ҳисобини электрон тарзда юритувчи ҳисоблагичларга техник талабларни ишлаб чиқиш ва тасдиқлаш. 2. Лойиҳа ижрочиларини аниқлаш бўйича танлов (конкурс) савдоларини ўтказиш. 3. Ахборот тизимини ишлаб чиқиш ва амалиётга жорий этиш.	2020 йил декабрь 2021 йил декабрь	доирасида ва бюджетдан ташқари маблағлар	(М. Салиев)
9.	Ягона сув балансини шакллантириш, давлат сув фонди сувлари хавфсизлиги ва сифатини мониторинг қилиш ахборот тизимини ишлаб чиқиш ва жорий қилиш.	1. Лойиҳа-техник ҳужжатларни ишлаб чиқиш ва тасдиқлаш. 2. Лойиҳа ижрочиларини аниқлаш бўйича тендер (танлов) савдоларини ўтказиш. 3. Дастурий таъминотни ишга тушириш ва амалиётга жорий этиш.	2021 йил октябрь 2021 йил декабрь 2022 йил июнь	Уй-жой коммунал хўжалигини ривожлантириш жамғармаси, халқаро молиявий институтларнинг грантлари ва техник ёрдам маблағлари	Уй-жой коммунал хизмат кўрсатиш вазирлиги (М. Салиев), вазирлик ва идоралар
10.	Фавқулодда вазиятлар вазирлиги тизимида “Кичик ҳажмли сув кемаларни рўйхатга олиш” ахборот тизимини яратиш.	1. Ахборот тизими лойиҳасини ишлаб чиқиш бўйича тендер (танлов) савдоларини ўтказиш. 2. Лойиҳани амалиётга жорий этиш режа-жадвални ишлаб чиқиш. 3. Режа-жадвалга асосан, тизимни амалиётга жорий этиш.	2020 йил октябрь 2020 йил ноябрь 2021 йил март	Давлат бюджети ва бюджетдан ташқари маблағлар	Фавқулодда вазиятлар вазирлиги (А. Кулдашев)
11.	Фавқулодда вазиятлар вазирлиги тизимида табиий, техноген ва экологик хусусиятли фавқулодда вазиятлар мониторинги, ахборот алмашинуви ва прогнозлаш ягона ахборот тизимини яратиш.	1. Лойиҳаолди ўрганишни ва маълумотлар таҳлилини амалга ошириш. 2. Лойиҳа-техник ҳужжатларни ишлаб чиқиш ва экспертизадан ўтказиш. 3. Дастурий таъминотни ишлаб	2021 йил апрель 2021 йил июль 2021 йил	Давлат бюджетидан ажратилган маблағлар доирасида	Фавқулодда вазиятлар вазирлиги (А. Кулдашев)

		чиқиш. 4. Лойиҳани босқичма-босқич жорий этиш ва маълумотларни бошқариш тизими билан интеграция қилиш.	декабрь 2022 йил июль		
12.	Маъмурий ҳуқуқбузарлик тўғрисидаги ишлар юритувини рақамлаштириш мақсадида “Маъмурий ҳуқуқбузарлик тўғрисида ягона электрон иш юритув” тизимини амалиётга жорий этиш (1-босқичда синов тариқасида Тошкент шаҳрида).	1. Ахборот тизимини жорий этиш бўйича лойиҳа-техник ҳужжатларини ишлаб чиқиш, ўрнатилган тартибда экспертизадан ўтказиш. 2. Ахборот тизимини ишлаб чиқиш ҳамда бошқа ахборот тизимлари ва маълумотлар базаларига интеграциялаш. 3. Ахборот тизимини амалиётга жорий этиш. 4. Лойиҳани республиканинг бошқа ҳудудларида қўллаш бўйича таклифларни ишлаб чиқиш.	2020 йил октябрь 2021 йил январь 2021 йил январь 2021 йил ноябрь	Ички ишлар вазирлигининг бюджетдан ташқари жамғармаси маблағлари	Ички ишлар вазирлиги <i>(П. Бобожонов)</i>
13.	Йўл ҳаракати хавфсизлиги соҳасида интерактив хизматларни тақдим этишни назарда тутувчи мобиль иловаларни яратиш.	1. Ахборот тизимини синов тарзида ишга тушириш. 2. Ахборот тизимини амалиётга татбиқ этиш.	2020 йил ноябрь 2020 йил декабрь	Давлат бюджетидан ажратилган маблағлар доирасида	Ички ишлар вазирлиги <i>(П. Бобожонов)</i>
II. Иқтисодиёт тармоқларида ахборот тизимлари ва дастурий маҳсулотларни жорий этиш					
14.	Авиакомпания парвозларини режалаштириш тизимини жорий қилиш.	1. Созлаш ва ўзаро интеграцияни тугатиш. 2. Бизнес жараёнларини янги тизимга ўтказиш.	2021 йил май 2021 йил июнь	Ижрочи маблағлари	“Uzbekistan Airways” АЖ <i>(Б. Хақимов)</i>

		3. Амалдаги меъёрий ва ишлаб чиқариш технологиялари ва ҳужжатларини созлаш ва тасдиқлаш.	2021 йил июль		
15.	Ресурсларни бошқариш тизими (ERP) орқали бошқарув ва хизмат кўрсатиш жараёнларини автоматлаштириш тизимини жорий этиш.	1. Маъмурий тартиб-таомилларини ўрганиш, оптималлаштириш ва режалаштириш. 2. Техник ҳужжатларни ишлаб чиқиш ва тасдиқлаш. 3. Лойиҳани амалга оширувчи ташкилотни аниқлаш ва шартнома тузиш. 4. Тизимни синов тарзда жорий этиш, камчиликларни бартараф этиш ва бошқа тизимлар билан интеграция қилиш.	2021 йил январь 2021 йил май 2021 йил июль 2022 йил декабрь	Ижрочи маблағлари	“Uzbekistan Airways” АЖ (Б. Хақимов)
16.	Ресурсларни бошқариш тизими (ERP) орқали бухгалтерия, молиявий ҳисобот ва маълумотлар консолидациясининг ахборот тизимини жорий этиш.	1. Лойиҳа-техник ҳужжатларни ишлаб чиқиш ва ўрнатилган тартибда тасдиқлаш. 2. Ахборот тизимни ишлаб чиқарувчи компанияни аниқлаш бўйича тендер (конкурс) танловини ўтказиш. 3. Дастурий таъминотни ишлаб чиқиш ва жорий этиш.	2021 йил апрель 2021 йил июль 2021 йил декабрь	Ижрочи маблағлари	“Uzbekistan Airports” АЖ (Р. Исмаилов)
17.	Ислон Каримов номидаги Халқаро “Тошкент” Аэропортида автомобиллар тураргоҳидаги автоуловларни автоматик рўйхатдан ўтказиш тизимини жорий этиш.	1. Лойиҳа-техник ҳужжатларни ишлаб чиқиш ва ўрнатилган тартибда тасдиқлаш. 2. Ахборот тизимни ишлаб чиқарувчи ҳамда ускуналарни етказиб берувчи компанияни аниқлаш бўйича тендер (конкурс)	2021 йил апрель 2021 йил июль	Ижрочи маблағлари	“Uzbekistan Airports” АЖ (Р. Исмаилов)

		танловини ўтказиш. 3. Ускуналарни аэропорт талабларига мослатиб монтаж қилиш.	2021 йил декабрь		
18.	Аэропортларда CUTE (Common Use Terminal Equipment) йўловчиларни рўйхатга олиш ва жойлаштириш платформасини жорий қилиш.	1. Лойиҳа-техник ҳужжатларни ишлаб чиқиш ва ўрнатилган тартибда тасдиқлаш. 2. Ахборот тизимни ишлаб чиқарувчи ҳамда ускуналарни етказиб берувчи компанияни аниқлаш бўйича тендер (конкурс) танловини ўтказиш. 3. Ускуналарни аэропорт талабларига мослатиб монтаж қилиш.	2020 йил декабрь 2021 йил январь 2021 йил февраль	Ижрочи маблағлари	“Uzbekistan Airports” АЖ (<i>Р. Исмаилов</i>)
19.	“Uzbekistan Airports” АЖ томонидан BRS йўловчи багаж оқимини бошқариш тизимини жорий қилиш.	1. Дастурий маҳсулотлар учун шартнома тузиш. 2. Ускунани сотиб олиш учун шартнома тузиш.	2020 йил декабрь 2021 йил февраль	Ижрочи маблағлари	“Uzbekistan Airports” АЖ (<i>Р. Исмаилов</i>)
20.	“Uzbekistan Airports” АЖнинг ишлаб чиқариш кўрсаткичлари ҳисобининг ягона ахборот базасини жорий қилиш лойиҳасини амалга ошириш.	1. Лойиҳа-техник ҳужжатларни ишлаб чиқиш ва ўрнатилган тартибда тасдиқлаш. 2. Ахборот тизимни ишлаб чиқарувчи компанияни аниқлаш бўйича тендер (конкурс) танловини ўтказиш. 3. Ахборот тизимини жорий этиш.	2021 йил октябрь 2021 йил декабрь 2022 йил май	Ижрочи маблағлари	“Uzbekistan Airports” АЖ (<i>Р. Исмаилов</i>)
21.	“Йўловчиларга хизмат кўрсатиш маркази” рақамли платформасини яратиш доирасида тезюар поездларнинг диспетчерлик мониторинги учун ахборот тизимининг техник топшириғини ишлаб чиқиш. 2. Техник топшириқни ўрнатилган	1. Тезюар поездларнинг диспетчерлик мониторинги учун ахборот тизимининг техник топшириғини ишлаб чиқиш. 2. Техник топшириқни ўрнатилган	2020 йил декабрь 2021 йил	Ижрочи маблағлари	“Ўзбекистон темир йўллари” АЖ (<i>Х. Хасилов</i>)

	ишлаб чиқиш.	тартибда келишиш ва тасдиқлаш. 3. Тезюарар поездларнинг диспетчерлик мониторинги учун ахборот тизимини яратиш ва татбиқ қилиш.	февраль 2021 йил декабрь		
22.	Электрон чипталар сотишда йўловчиларнинг содиқлик дастури ҳамда қайта боғланиш тизимини яратиш ва уларни татбиқ этиш.	1. Йўловчиларнинг содиқлик дастурини қўллаш бўйича илғор хорижий тажрибани ўрганиш. 2. Электрон чипталарни харид қилиш тизимига тегишли ўзгартиришлар киритиш бўйича асосланган таклифлар тайёрлаш. 3. Ахборот тизимининг техник топшириғини ишлаб чиқиш. 4. Техник топшириқни ўрнатилган тартибда келишиш ва тасдиқлаш. 5. Электрон чипталар сотишда йўловчилар содиқлик дастури ҳамда қайта боғланиш тизимини яратиш ва уларни жорий этиш.	2021 йил январь 2021 йил февраль 2021 йил май 2021 йил июль 2022 йил июль	Ижрочи маблағлари	"Ўзбекистон темир йўллари" АЖ (Х. Хасилов)
23.	"Ягона дарча" тамойили асосида юк ташиш хизматларининг ахборот тизимини яратиш.	1. Ахборот тизимининг техник топшириғини ишлаб чиқиш ва тасдиқлаш. 2. Техник топшириқ асосида ахборот тизимини яратиш.	2021 йил январь 2022 йил декабрь	Ижрочи маблағлари	"Ўзбекистон темир йўллари" АЖ (Х. Хасилов)
24.	"Транспорт бошқариш маркази" рақамли платформасини яратиш доирасида поездларнинг бажарилган ҳаракати графигини тузиш ахборот тизимини жорий қилиш.	1. Поездларнинг бажарилган ҳаракати графигини тузиш автоматлаштирилган ахборот модулини жорий этиш бўйича техник топшириқ тайёрлаш. 2. Техник топшириқни ўрнатилган тартибда тасдиқлаш.	2021 йил январь 2021 йил март	Ижрочи маблағлари	"Ўзбекистон темир йўллари" АЖ (Х. Хасилов)

		<p>3. Поездларнинг бажарилган ҳаракати графигини тузиш автоматлаш-тирилган ахборот тизимини яратиш.</p> <p>4. Тизимни тажриба-синовдан ўтказиш.</p> <p>5. Тажриба-синовда аниқланган камчиликларни бартараф қилиш ҳамда тизимни доимий ишлатишга топшириш.</p>	<p>2022 йил июнь</p> <p>2022 йил октябрь</p> <p>2022 йил декабрь</p>		
25.	<p>Ақлли видеокузатув орқали ҳаракатланувчи таркибнинг махсус рақамини аниқлаш ахборот тизими асосида транспорт ва логистика жараёнларини бошқариш.</p>	<p>1. Ақлли видеокузатув дастурий таъминоти бўйича илғор хорижий тажрибани ўрганиш.</p> <p>2. Тизимни жорий этиш бўйича техник топшириқ тайёрлаш.</p> <p>3. Техник топшириқни ўрнатилган тартибда тасдиқлаш.</p> <p>4. Ақлли видеокузатувдан фойдаланиш асосида транспорт ва логистика жараёнларини бошқариш тизимини яратиш ва жорий қилиш.</p>	<p>2021 йил январь</p> <p>2021 йил апрель</p> <p>2021 йил июнь</p> <p>2022 йил август</p>	Ижрочи маблағлари	"Ўзбекистон темир йўллари" АЖ (Х. Хасилов)
26.	<p>"Локомотив депоси иши" автоматлаштирилган бошқарув тизимини ишлаб чиқиш.</p>	<p>1. "Локомотив депоси иши" навбатчисининг иши" автоматлаштирилган бошқарув тизимининг техник топшириғини ишлаб чиқиш.</p> <p>2. Техник топшириқни ўрнатилган тартибда келишиш ва тасдиқлаш.</p> <p>3. "Локомотив депоси иши" навбатчисининг иши" автоматлаштирилган бошқарув тизимини яратиш ва жорий қилиш.</p>	<p>2020 йил декабрь</p> <p>2021 йил февраль</p> <p>2021 йил декабрь</p>	Ижрочи маблағлари	"Ўзбекистон темир йўллари" АЖ (Х. Хасилов)

27.	“Локомотивларнинг ёқилғи-энергетика ресурслари сарфи” ахборот тизимини ишлаб чиқиш.	1. “Локомотивларнинг ёқилғи-энергетика ресурслари сарфи” ахборот тизимининг техник топшириғини ишлаб чиқиш. 2. Техник топшириқни ўрнатилган тартибда келишиш ва тасдиқлаш. 3. “Локомотивларнинг ёқилғи-энергетика ресурслари сарфи” ахборот тизимини яратиш ва жорий қилиш.	2021 йил март 2021 йил май 2021 йил декабрь	Ижрочи маблағлари	"Ўзбекистон темир йўллари" АЖ (Х. Хасилов)
28.	Локомотивлар ҳаракати мониторинги, статистикаси ва аналитика ахборот тизимини ишлаб чиқиш.	1. Локомотивлар ҳаракати мониторинги, статистикаси ва аналитика ахборот тизимини яратиш бўйича техник топшириқни ишлаб чиқиш. 2. Техник топшириқни ўрнатилган тартибда келишиш ва тасдиқлаш. 3. Техник топшириқ асосида “машинист маршрути” ахборот тизимини яратиш ва жорий қилиш.	2021 йил Октябрь 2021 йил ноябрь 2022 йил декабрь	Ижрочи маблағлари	"Ўзбекистон темир йўллари" АЖ (Х. Хасилов)
29.	Электрлаштирилган жойлардаги электр таъминоти қурилмаларини масофадан бошқариш ва онлайн режимда ҳолатини кўриб туришга мўлжалланган диспетчерлик (SCADA) тизими модулини жорий қилиш.	1. Лойиҳа-техник ҳужжатларни ишлаб чиқиш ва ўрнатилган тартибда тасдиқлаш. 2. Лойиҳани босқичма-босқич амалга ошириш (1-босқич).	2021 йил май 2023 йил декабрь	Ижрочи маблағлари	"Ўзбекистон темир йўллари" АЖ (Х. Хасилов)
30.	“Ўзбекистон темир йўллари” АЖ барча темир йўл излари электрон харитасини тузиш.	1. “Ўзбекистон темир йўллари” АЖ барча темир йўл излари электрон харитасини бўйича техник топшириқ тайёрлаш. 2. Техник топшириқни ўрнатилган тартибда келишиш ва тасдиқлаш.	2021 йил январь 2021 йил март	Ижрочи маблағлари	"Ўзбекистон темир йўллари" АЖ (Х. Хасилов)

		3. “Ўзбекистон темир йўллари” АЖ барча темир йўл излари электрон харитасини яратиш ва татбиқ қилиш.	2021 йил декабрь		
31.	Автоматлаштирилган диспетчерлик бошқаруви ва мониторинг тизимини такомиллаштириш.	1. Ахборот тизимини фойдаланиш синовидан ўтказиш. 2. Ахборот тизимини доимий фойдаланиш учун ишга тушириш. 3. “Менинг йўналишим” мобил иловасини ишлаб чиқиш. 4. Тизимни “Хавфсиз шаҳар”, “Рақамли Тошкент” комплекс дастурлари доирасида жорий этилаётган ахборот тизимлари билан интеграция қилиш. 5. Тизимни қўллаб-қувватлаш ва янада такомиллаштириш.	2021 йил октябрь 2021 йил декабрь 2022 йил март 2022 йил май доимий	Ижрочи маблағлари	“Тошшаҳартрансхизмат” АЖ (А. Джураев)
32.	“Қизилқумцемент” АЖда ишлаб чиқариш жараёнларини бошқариш комплекс ахборот тизимини ишлаб чиқиш.	1. Аппарат-дастурий комплексни ўрнатиш ва созлаш. 2. Ахборот тизимининг дастурий таъминотини ишлаб чиқиш ва оптималлаштириш. 3. Синов натижалари асосида ахборот тизимини синаш ва уни такомиллаштириш. 4. Ахборот тизимида ишлашга кадрларни тайёрлаш. 5. Ахборот тизимни амалиётга жорий этиш.	2021 йил октябрь 2021 йил октябрь 2022 йил октябрь 2022 йил ноябрь 2022 йил декабрь	Ижрочилар маблағлари	“Ўзсаноатқурилиш-материаллари” уюшмаси (Б. Зарипов), “Қизилқумцемент” АЖ (Б. Умирзаков)
33.	“Бекободцемент” АЖда ҳўл усулда ишлаб чиқариш тўғрисида	1. Аппарат-дастурий комплексни ўрнатиш ва созлаш.	2020 йил декабрь	Ижрочилар маблағлари	“Ўзсаноатқурилиш-материаллари” уюшмаси

	маълумот йиғиш ва диспетчерлик бошқарув назорат қилиш бўйича SCADA тизимини жорий қилиш.	<p>2. Ахборот тизимининг дастурий таъминотини ишлаб чиқиш ва оптималлаштириш.</p> <p>3. Синов натижалари асосида ахборот тизимини синаш ва уни такомиллаштириш.</p> <p>4. Ахборот тизимни амалиётга жорий этиш.</p>	<p>2021 йил октябрь</p> <p>2022 йил март</p> <p>2022 йил август</p>		<p>(Б. Зарипов), “Бекободцемент” АЖ (М. Яковлев)</p>
34.	“Бекободцемент” АЖда цемент тегирмонлари майдалаш циклари бошқаруви бўйича SCADA тизимини жорий қилиш.	<p>1. Аппарат-дастурий комплексни ўрнатиш ва созлаш.</p> <p>2. Ахборот тизимининг дастурий таъминотини ишлаб чиқиш ва оптималлаштириш.</p> <p>3. Синов натижалари асосида ахборот тизимини синаш ва уни такомиллаштириш.</p> <p>4. Ахборот тизимни амалиётга жорий этиш.</p>	<p>2020 йил октябрь</p> <p>2021 йил март</p> <p>2021 йил октябрь</p> <p>2021 йил ноябрь</p>	Ижрочилар маблағлари	<p>“Ўзсаноатқурилиш-материаллари” уюшмаси (Б. Зарипов), “Бекободцемент” АЖ (М. Яковлев)</p>
III. Ходимларни рақамли технологиялар бўйича ўқитиш ва малакасини ошириш.					
35.	Транспорт, қурилиш ва уй-жой коммунал хўжалиги соҳаларидаги идора ва ташкилотларнинг ходимларини замонавий ахборот технологиялардан фойдаланиш бўйича ўқитиш , билим ва кўникмаларини ошириш.	<p>1. IT-соҳасида билим ва малакаси ошириладиган ходимлар рўйхатини шакллантириш.</p> <p>2. Ходимларни ўқитиш бўйича ўқув муассасалари билан шартнома тузиш.</p> <p>3. Замонавий ахборот технологияларидан фойдаланиш бўйича ходимларнинг билим ва кўникмаларини ошириш.</p>	<p>2020 йил ноябрь</p> <p>2021 йил март</p> <p>2021 йилдан бошлаб доимий</p>	Давлат бюджетидан ажратилган маблағлар доирасида ва бюджетдан ташқари маблағлар	Транспорт, қурилиш ва уй-жой коммунал хўжалиги соҳаларига кировчи давлат ва хўжалик бошқаруви органлари, Ахборот технологиялари вазирлиги (О. Пекось)
36.	Транспорт, қурилиш ва уй-жой коммунал хўжалиги соҳаларидаги идора ва ташкилотларнинг ахборот технологияларига	<p>1. Ихтисослаштирилган таркибий бўлинмалар ходимлари рўйхатини шакллантириш.</p>	2020 йил декабрь	Давлат бюджетидан ажратилган маблағлар доирасида ва бюджетдан ташқари	Транспорт, қурилиш ва уй-жой коммунал хўжалиги соҳаларига кировчи давлат ва

	ихтисослаштирилган таркибий бўлинмалари ходимларини “Бир миллион дастурчи” лойиҳаси доирасида малакасини ошириш.	2. Рўйхат асосида ихтисослаштирилган таркибий бўлинмалар ходимлари учун вебинар ташкил этиш. 3. Ихтисослаштирилган таркибий бўлинмалар ходимларини uzbecoders.uz портали орқали малакасини ошириш.	2021 йил март 2021 йилдан бошлаб доимий	маблағлар	хўжалик бошқаруви органлари, Ахборот технологиялари вазирлиги <i>(О. Пекось)</i>
37.	Транспорт, қурилиш ва уй-жой коммунал хўжалиги соҳаларидаги идора ва ташкилотларнинг ахборот технологияларига ихтисослаштирилган таркибий бўлинмалари ходимларини малакасини ошириш, шу жумладан хорижий ўқув муассасаларида ўқитиб, халқаро IT-сертификатга эга ходимлар улушини ошириш.	1. Ихтисослаштирилган таркибий бўлинмаларнинг малака оширадиган ходимлари рўйхатини шакллантириш. 2. Ходимларни ўқитиш бўйича шу жумладан хорижий ўқув муассасалари билан шартнома тузиш. 3. Ходимларни замонавий ахборот технологиялари бўйича билим ва кўникмаларини ошириш, шу жумладан халқаро IT-сертификат олишларини ташкиллаштириш.	2020 йил декабрь 2021 йил март 2021 йилдан бошлаб доимий	Давлат бюджетидан ажратилган маблағлар доирасида ва бюджетдан ташқари маблағлар	Транспорт, қурилиш ва уй-жой коммунал хўжалиги соҳаларига қирувчи давлат ва хўжалик бошқаруви органлари, Ахборот технологиялари вазирлиги <i>(О. Пекось)</i>

Ўзбекистон Республикаси Президентининг
2020 йил 5 октябрдаги ПФ–6079-сон Фармониغا
19а-илова

**“Рақамли Ўзбекистон – 2030” стратегияси доирасида 2020 йилда транспорт, қурилиш, уй-жой коммунал хўжалиги
ва бошқа соҳаларини рақамли трансформация қилиш бўйича устувор лойиҳаларни амалга ошириш
“ЙЎЛ ХАРИТАСИ”**

Т/р	Чора-тадбирлар	Амалга ошириш босқичлари	Муддати	Молиялаштириш манбалари	Ижрочилар
1.	Транспорт вазирлиги миқёсида “ЕНР менеджмент” тизимини жорий қилиш.	1. Лойиҳаолди ўрганишни ва маълумотлар таҳлилин амалга ошириш. 2. Лойиҳа-техник ҳужжатларни ишлаб чиқиш ва тасдиқлаш ҳамда манфаатдор вазирлик ва идоралар билан келишиш, ваколатли органларда экспертизадан ўтказиш. 3. Тизимни ишлаб чиқиш ва синов тарзида жорий этиш. 4. Тизимни республика миқёсида амалиётга жорий этиш ва ўқитиш бўйича режа-жадвал ишлаб чиқиш ва тасдиқлаш. 5. Республиканинг бошқа ҳудудларида тизимни жорий этиш.	2020 йил октябрь 2020 йил ноябрь 2020 йил декабрь 2021 йил февраль режа-жадвалга мувофиқ	Вазирлик маблағлари	Транспорт вазирлиги <i>(И. Махкамов)</i> , Қорақалпоғистон Республикаси Вазирлар Кенгаши, вилоят ҳокимликлари
2.	Уй-жой коммунал соҳасида лойиҳа смета ҳужжатларини тайёрлаш, қурилиш объектлари тендерларини ўтказиш, қурилиш жараёнларини мониторинг қилиш бўйича дастурий таъминотни амалиётга жорий этиш.	1. Дастурий таъминотни синов тарзида ишга тушириш ва камчиликларни бартараф этиш. 2. Тизимни республика миқёсида амалиётга жорий этиш бўйича режа-жадвални ишлаб чиқиш ва тасдиқлаш.	2020 йил октябрь 2020 йил декабрь	Уй-жой коммунал хўжалигини ривожлантириш жамғармаси маблағлари	Уй-жой коммунал хизмат кўрсатиш вазирлиги <i>(М. Салиев)</i> , Қорақалпоғистон Республикаси Уй-жой коммунал хизмат кўрсатиш вазирлиги, вилоятлар Уй-жой

		3. Республика ҳудудларида тизимни жорий этиш.	режа жадвалга мувофиқ		коммунал хизмат кўрсатиш ташкилотлари
3.	“Экорухсат” ахборот тизимини жорий этиш.	<p>1. Лойиҳаолди ўрганишни ва маълумотлар таҳлилини амалга ошириш.</p> <p>2. Лойиҳа-техник ҳужжатларни ишлаб чиқиш ва тасдиқлаш.</p> <p>3. Тизимни ишлаб чиқиш, тегишли вазирлик ва идоралар билан интеграция ишларини амалга ошириш ҳамда синов тарзида жорий этиш.</p> <p>Республиканинг бошқа ҳудудларида тизимни жорий этиш.</p>	<p>2020 йил октябрь</p> <p>2020 йил ноябрь</p> <p>2020 йил декабрь</p>	Давлат экология қўмитасининг бюджетдан ташқари маблағлар	Давлат экология қўмитаси (Н. Обломуратов), Давлат хизматлари агентлиги (У. Муҳаммадиев), Давлат божхона қўмитаси (М. Азимов)
4.	“Онлайн экспертиза” ахборот тизимини жорий этиш.	<p>1. Лойиҳаолди ўрганишни ва маълумотлар таҳлилини амалга ошириш.</p> <p>2. Лойиҳа-техник ҳужжатларни ишлаб чиқиш ва тасдиқлаш.</p> <p>3. Лойиҳани амалга ошириш бўйича ижрочи ташкилотни аниқлаш ва шартномани имзолаш.</p> <p>4. Тизимни ишлаб чиқиш ва синов тарзида жорий этиш ҳамда тизимни республика миқёсида амалиётга жорий этиш бўйича режа-жадвал ишлаб чиқиш ва тасдиқлаш.</p> <p>5. Тизимдан фойдаланиш бўйича ўқув-курсларини ташкил этиш ҳамда тизимда аниқланган камчиликларни бартараф этиш, доимий техник қўллаб-қувватлаш ишларини таъминлаб бориш.</p>	<p>2020 йил октябрь</p> <p>2020 йил ноябрь</p> <p>2020 йил ноябрь</p> <p>2020 йил декабрь</p> <p>2020 йил декабрь</p>	Давлат экология қўмитасининг бюджетдан ташқари маблағлар	Давлат экология қўмитаси (Н. Обломуратов)

5.	Йўл ҳаракати қоидабузарликларини содир этганлик юзасидан жарималар бўйича тўловларини Ягона биллинг тизими орқали амалга ошириш.	1. Йўл ҳаракати қоидабузарликларини содир этганлик бўйича жарималарни тўлаш ахборот тизимини Ягона биллинг тизими билан интеграция қилиш бўйича техник ҳужжатларни ишлаб чиқиш. 2. Ташкилий-техник тадбирларни амалга ошириш.	2020 йил октябрь 2020 йил ноябрь	Ички ишлар вазирлиги бюджети ва бюджетдан ташқари маблағлар	Ички ишлар вазирлиги (А. Раҳматуллаев), Ахборот технологиялари вазирлиги (О. Пекось)
6.	Кўчмас мулк объектларининг кадастр рақамларини ушбу объект бўйича рўйхатдан ўтган жисмоний шахсларнинг шахсий идентификация рақамлари (ЖШШИР) ва солиқ тўловчиларнинг идентификация рақамлари (юридик шахслар учун) билан боғлаш.	1. Электрон ҳамкорликни ташкил этиш бўйича технологик йўриқномани ишлаб чиқиш ва тасдиқлаш. 2. Маълумотларни барқарор қайта ишлашни таъминлаш мақсадида сервер ускуналарини харид қилиш ёки ижарага олишни ташкил этиш 3. Дастурий модуль ишлаб чиқиш ва тегишли ахборот тизимларининг идоралараро электрон ҳамкорлигини ташкил этиш.	2020 йил апрель 2020 йил июнь 2020 йил сентябрь	Ички ишлар вазирлиги бюджети ва бюджетдан ташқари маблағлар	Ички ишлар вазирлиги (Д. Кадиоров), Давлат солиқ қўмитаси (Ш. Кудбиев)
7.	“Ягона дарча” тамойили асосида юк ташиш хизматларининг автоматлаштирилган ахборот тизимининг юк ортиш операцияларни расмийлаштириш модулини яратиш.	1. Лойиҳа-техник ҳужжатларни ишлаб чиқиш. 2. Лойиҳа-техник ҳужжатларни тегишли вазирлик ва идоралар билан келишиш ва тасдиқлаш. 3. Сервер қурилмаларини харид қилиш, қурилиш ва монтаж ишларини амалга ошириш. 4. Лойиҳа-техник ҳужжатлари асосида “Ягона дарча” ахборот тизимининг биринчи модулини яратиш ва синов тариқасида амалиётда жорий қилиш ҳамда	2020 йил ноябрь 2020 йил ноябрь 2020 йил ноябрь 2020 йил декабрь	Ижрочи маблағлари	“Ўзбекистон темир йўллари” АЖ (Х. Хасилов)

		мутахассисларини ўқитиш.			
8.	Юк ташиш тариф калькуляторларини ишлаб чиқиш ва “Ўзбекистон темир йўллари” АЖ расмий веб-сайтида жойлаштириш.	1. Мавжуд бўлган юк ташиш тариф калькуляторлари бозорини ўрганиш ва танлаш. 2. Тариф калькулятори базасини шакллантириш. 3. Ўрганиш натижасида танланган ахборот тизимни харид қилиш. 4. Тариф калькуляторини мавжуд серверда ўрнатиш ва “Ўзбекистон темир йўллари” АЖ расмий веб-сайтида жойлаштириш.	2020 йил октябрь 2020 йил ноябрь 2020 йил ноябрь 2020 йил декабрь	Ижрочи маблағлари	“Ўзбекистон темир йўллари” АЖ (Х. Хасилов)
9.	“Ўзсаноатқурилишматериаллари” уюшмаси ижро этувчи аппаратида бухгалтерия ҳисобини автоматлаштириш учун маълумотлар тизими ва маълумотлар базаси ахборот тизимини янгилаш.	1. Бухгалтерия ҳисобини автоматлаштириш учун маълумотлар тизими ва маълумотлар базаси ахборот тизимини янгилаш ҳамда синов тарзида жорий этиш. 2. Синов жараёнида аниқланган камчиликларни бартараф этиш ҳамда тўлақонли равишда корхона тизимида татбиқ этиш. 3. Ахборот тизимларининг сифатли ва узлуксиз фаолият кўрсатишини таъминлаш.	2020 йил октябрь 2020 йил ноябрь 2020 йил декабрдан бошлаб доимий	Ижрочи маблағлари	“Ўзсаноатқурилиш-материаллари” уюшмаси (Б Зарипов)
10.	“Ўзсаноатқурилишматериаллари” уюшмаси ижро этувчи аппаратининг статистик маълумотларини йиғиш, тўплаш, сақлаш ва қайта ишлашга оид ахборот тизимини (electronic recording and reporting system (ERS) ишга тушириш.	1. Ахборот тизимини ишлаб чиқиш ва синов тариқасида амалиётда жорий қилиш. 2. Ахборот тизимини тўлиқ ишга тушириш ҳамда корхонанинг тегишли мутахассисларини ўқитиш.	2020 йил октябрь 2020 йил ноябрь	Ижрочи маблағлари	“Ўзсаноатқурилиш-материаллари” уюшмаси (Б Зарипов)

		3. Ахборот тизимларининг сифатли ва узлуксиз фаолият кўрсатишини таъминлаш.	2020 йил декабрдан бошлаб доимий		
11.	“Ўзсаноатқурилишматериаллари” уюшмасида телеанжуманлар иштирокчиларининг бир-бирига бўлган аудиовизуал таъсирининг ахборот-бошқарув тизимини янгилаш.	1. Ахборот тизимини ишлаб чиқиш ва синов тариқасида амалиётда жорий қилиш. 2. Ахборот тизимини тўлиқ ишга тушириш ҳамда корхонанинг тегишли мутахассисларини ўқитиш. 3. Ахборот тизимларининг сифатли ва узлуксиз фаолият кўрсатишини таъминлаш.	2020 йил октябрь 2020 йил ноябрь 2020 йил декабрдан бошлаб доимий	Ижрочи маблағлари	“Ўзсаноатқурилиш-материаллари” уюшмаси <i>(Б Зарипов)</i>
12.	“Ўзсаноатқурилишматериаллари” уюшмасида идоралараро интеграциялашган ҳолда топшириқлар ижросини ва ҳужжатлар айланмаси жараёнларини назорат қилиш учун автоматлаштирилган ахборот тизимини янгилаш.	1. Ахборот тизимини ишлаб чиқиш ва синов тариқасида амалиётда жорий қилиш. 2. Ахборот тизимини тўлиқ ишга тушириш ҳамда корхонанинг тегишли мутахассисларини ўқитиш. 3. Ахборот тизимларининг сифатли ва узлуксиз фаолият кўрсатишини таъминлаш.	2020 йил октябрь 2020 йил ноябрь 2020 йил декабрдан бошлаб доимий	Ижрочи маблағлари	“Ўзсаноатқурилиш-материаллари” уюшмаси <i>(Б Зарипов)</i>